

IMAQARNILIAQ MAA - Meeqqanut Atuarfeqarnermullu Ataatsimiititaq 06-08-2019

Ulloq ataatsimiiffissaq Tirsdag 06. august 2019 kl. 18:00

Ataatsimiiffissaq kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut.....	8
Qinngutsinni klubbimik pilersitsisoqarnissaa.....	9
Taasariaqartut allat.....	13
Suliaq matoqqasoq.....	14
Imaqarniliap akuerineqarnera.....	15

IMMIKKOORTOQ 0: Saqqa

Michael Rosing (SA)

Henrik Rachlev (IA)

Knud Mathiassen (IA)

Uju Petersen (IA)

Thiiooq Knudsen (S)

Beslutning

Henrik Rachlev aamma Thiiooq oqarasuaatikkut ataatsimeeqataapput.

Helene Broberg Berthelsen ataatsimiinnermi peqataasinnaasimanngilaq. Frederik Lundblad ingerlatsivik sinnerlugu peqataavoq.

IMMIKKOORTOQ 1: Oqaluuserisassat akuerineqarneri

Beslutning

Oqaluuserisassat akuerineqarput

IMMIKKOORTOQ 2: Nalunaarutit

Siulittaasumit nalunaarutit

Beslutning

Soqanngilaq

IMMIKKOORTOQ 3: Ilisimatitsissutit

IMMIKKOORTOQ 4: Aalajangiiffisassat

IMMIKKOORTOQ 5: Suliat Aningaasaqarnermut Inuussutissarsiornermullu Ataatsimiititamut

IMMIKKOORTOQ 05A: Qinngutsinni klubbimik pilersitsisoqarnissaa

Beslutning

Ataatsimiitap siunnersuut taperserpaa, siunnersuullu Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaasumik aalajangiiffigineqarnissaanut ingerlateqqippaa.

Ilanngussat

Bilag 1. Henvendesle fra Nuuk Lokaludvalg til Udvalg for Børn og Skole - KAL.pdf

Qinngutsinni klubbimik pilersitsisoqarnissaa

Nuummi Najukkami Ataatsimiititaliamit saaffiginnissut

Aalajangiiffigisassaq

Jnr:280000-G01-41-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Qinngutsinni klubbimik pilersitsisoqarnissaa pillugu Najukkami Ataatsimiititaliami ilaasortap Arnarissaq Fleischerip siunnersuutaa tunngavigalugu, Nuummi Najukkami Ataatsimiititaliap februaarip 12-ani 2019 ileqquusumik ataatsimiinnermini aalajangerpaa, Meeqqanut Atuarfeqarnermullu Ataatsimiititamut saaffiginnissuteqartoqassasoq Qinngutsinnilu klubbimik pilersitsinissamik siunnersuut saqqummiullugu. Nuummi Najukkami Ataatsimiititaliaq illoqarfiup ilaani tamaani meeqqanut inuusuttunullu sammisassaqaqtitsiveqannginnera pillugu innuttaasunit arlalinnit saaffigineqartarsimavoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititap siunnersuut saqqummiunneqartoq eqqartussagaa
- Siunnersuut Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Qinngutsinni inuusuttunut klubbimik pilersitsisoqarnissaa imaluunniit inuusuttunut ornittagaliortoqarnissaa pisariaqartinneqartoq Arnarissaq Fleischerip oqaatigaa politikikkullu ataatsimiititamut makku eqqumaffigeqqullugit:

”AHL-imi atuartut 500-t sinneqarput. Atuarfik illoqarfiup atuariini meeraqarnerpaavoq. Atuartut nukariliit Miniklubbeqarput atuartulli angajullit ornittagaqanngillat.

Qinngutsinni atuartut anginerit unnukkut atuarfiup, Brugsenip aamma Pisiffiup silataanni katersuuttarput.

Aasakut arsaattarfiup eqqaanniittarput. Qujanartumik aserorterinermik ajornartorsiuteqartoqarneranik suli tusagaqanngilagut, taamaakkaluartoq meeqqanut inuusuttunullu ornittakkamik pilersitsisoqannginnerani tamanna utaqqisariaqanngilarput.

Paasisakka naapertorlugit meeqqat amerlasoorpassuit, pingaartumik ukiuunerani, angerlarsimallutik TV atorlugu spil-ertarput.

Soorunami ingasaallugu ajornartorsiutaasinnaavoq, allamimmi sulerissappat?

Inuusuttut aneertissuagut, timi atorlugu sammisaqassapput, nutaaliussapput inooqatigiissappullu.

Meeqqat inuusuttorpassuit oqaloqatigisakka inuusuttunullu angajoqqaat Qinngutsinni najugaqartut oqarput, atuareernerup kingorna unnukkullu katersuuffissaaleqisarput/sammisassaqaqtitsivissaaleqisarput.

Nuussuarmi Nuummilu klubbinut innersuussinikkut iluarsiiisuteqartoqarsinnaavoq, kisianni meeqqat inuusuttullu angerlarsimaffimminniit pisinnaq ornittagaqarusunnerupput aammalu atuaqatitik imaluunniit peqatigisartakkatik imaluunniit atuarfimmi peqatigisartakkatik peqatigalugit toqqissimallutik perusupput.

Qinngutsinni ornittakkatut atorineqarsinnaasoq tassaasinnaavoq:

- Ilinniagasserinermi lektiecafé, ualikkut sapaatip-akunneranut marloriarluni 2 tiimit*
- Sapaatip-akunneranut ulluni aalajangersimasuni sananeq/nutaaliorneq/eqqumiitsuliorneq*
- Sapaatip-akunneranut ulluni aalajangersimasuni nipilersorneq/videoliorneq*
- Inuusuttunut café*

Spar-ikoq siunertamut periarfissaasinnaalluarpoq. Kisianni ulluinnarni ingerlanneqarnissaanut inuusuttunillu attaveqartarnissamut sulisoqartariaqarpoq.”

Aaqqiissutissatut siunnersuut – suliatigut naliliineq

Kommuneqarfik Sermersooq Nuummi inuusuttunut klubbeqarpoq katillugit tallimanik, illoqarfiup qeqqani pingasut Nuussuarmilu marluk. Inuusuttunut klubbit tamarmik, NUIF eqqaassanngikkaanni, unnukkut atuareernerup kingorna ornittakkat inaanni pisarput.

Meeqqanut Atuarfeqarnermullu Ingerlatsiviup ilimagaa, Qinngutsinni inuusuttunut klubbiliortoqassappat annertuumik aningaasartuuteqafiussasoq, pilersitsisoqassappallu 2020-mut missingersuusiornissamut atatillugu eqqartorneqartariaqartoq.

Qinngutsinni Miniklubbeqarpoq, taannalu sunngiffimmi sammisassaqaqtitsivittut atorineqartarpoq, taamaattumillu unnukkut atorineqarneq ajorluni. Taamaattumik Meeqqanut Atuarfeqarnermullu Ingerlatsiviup siunnersuutigissavaa, Miniklubbimi inini sunngiffimmi sammisassaqaqtitsivimmik ammaasoqassasoq, taamaasillunilu kommune ininik inuusuttunut klubbiliornissamut aningaasaliinissamut aningaasartuutissanik sipaaruteqassalluni.

Sermersuumi Inuusuttunut klubbit agguataagaapput juniorklubbinut meeqqanut 9-niit 13-inut ukiulinnut aammalu seniorklubbinut inuusuttunut 14-it 21-illu akornanni ukiulinnut. Aamma Meeqqanut Atuarfeqarnermullu Ingerlatsiviup siunnersuutigaa, inuusuttunut klubbi aamma juniorklubbimik inissaqaqtitsissasoq. Imaappoq, Miniklubbip initaani inuusuttunut 9-niit 21-nut ukiulinnut sunngiffimmi neqerooruteqaqtitsisoqassasoq.

Miniklubbi inuusuttunut klubbitut, junior- aamma seniorklubbitut atorineqassappat, ammasarfiit sivitsorneqassappat, inuusuttunut klubbit ammasarfii assigalugit. Inuusuttunut klubbit ammasarfii aammalu ullut ammaffigisartagaat agguaqatigiissillugu sapaatip akunneranut akunnerni 32-ini ammasarput. Ammasarfiit sivitsorneqassappata sulisut amerlineqarnissaannik kinguneqassaaq. Siunnersuutigineqarpoq, suliaq 2020-mut missingersuusiornissamut atatillugu isumaqatiginninniarnissamut periarfissanut ilanngunneqassasoq.

Aningaasatigut sulisoqarnikkullu naliliinerit

Sunngiffimmi sammisassaqaqtitsiviit meeqqanut 15-inut 1-mik sulisoqarlutik ”amerlassusilerneqartarput”. Sunngiffimmi sammisassaqaqtitsivimmiittarput meeqqat 172-it 4 klassemiit – 6 klassemut atuartut taavalu meeqqat 140-t 7 klassemiit -10 klassemut atuartut taamaasillutik meeqqat katillugit 312-it, inernalugu 20-t, sulisut 8-nik ilaneqassapput.

Meeqqanut Atuarfeqarnermullu Ingerlatsivik isumaqarpoq Qinngutsinni meeqqat inuusuttullu tamarmik neqeroorummik atuinavianngitsut, taamaattumik sulisunik nutaamik amerlassusissaliineq eqqoriaanerinnaavoq, sumiiffni allani inuusuttut sammisassaqaqtitsiviini qassit atuisartuunersut isigissagaanni.

Eqqoriaanikkut nalilerneqarpoq, siunnersuut naapertorlugu sulisut 10-nik amerlineqassasut, tassami inuusuttut, inuusuttut klubbini atuisartuusut agguaqatigiissillugu 150-iusarmata.

Inuusuttut klubbiini sulisunik amerlassusiliineq imatut isikkoqarpoq 1:15, tamannalu sulisut 10-nik ilaneqarnissaannik inerneqarpoq.

Klubbini sulisut qaammammusiaqartinneqartarput, ilinniarsimasuugaangata, taavalu ilinniarsimasuunnigikkaangata akunnermusiaqartitaasarlutik. Sulisut amerlanerit akunnermusiaqartitaasarput, taamaattumik aningaasartuutit ilanissaannik eqqoriaaneq naatsorsorneqarpoq klubbimi aqutsisoq 1 aammalu sulisut ilinniarsimasut 2 kiisalu sulisut ilinniarsimangitsut 7-t. Sulisut sapaatip akunneranut 40 tiimit sulisartussatut atorfeqartitaapput. Sulisut ilaneqarnissaannut aningaasartuuteqarnerulernissap saniatigut, inuusuttunut pequtinik pisinissamut immikkut aningaasartuuteqarnissaq ilanngunneqassaaq kiisalu imermut/kiassarnermut innaallagissamullu aningaasartuutissat ilanngunneqassallutik.

Taamatut aningaasartuuteqarnerulernissaq imatut naatsorsorneqarpoq

Ukiumut aningaasarsianut	2.700.000 kr.
Ukiumut ingerlatsinerimi aningaasartuutit	600.000 kr.
Pilersitsinerimi aningaasartuutit ataasiaannartumik	500.000 kr.
Ukioq siulleq aningaasartuutissat	3.800.000 kr.
Ukiuni missingersuusiorfiusuni aningaasartuutissat	3.300.000 kr.

Inatsisitigut tunngavissaq allakkallu tunngaviusumik uppernarsaatitaliit

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr 5, 6. juni 2016-imeersoq

Ingerlariaqqinnissaq

Meeqqanut Atuarfeqarnermullu Ingerlatsiviup tamanna 2020-mut missingersuusiornissamut isumaqatiginninniarnernut ilanngutissavaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup kommunip inaataanik pioreersunik atuisoqarnissaanik ingerlatsiviup siunnersuutaa taperserpaa. Siunnersuut politikikkut taparserneqassappat suliaq 2020-mut missingersuusiornissamut isumaqatiginninniarnernut ilanngunneqartariaqarpoq. Taamaassappallu 2020-ip aallartilernerani piviusunngortinneqarsinnaassaaq, taamaattorli sulisussat apeqqaassallutik.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1 Nuummi Najukkami Ataatsimiititaliap saaffiginnissutaa

IMMIKKOORTOQ 6: Taasariaqartut allat

Beslutning

- Henriup kissaatigaa ataatsimiititat Tasiilamut ataatsimiigiarlutik oktoberimi angalaneranni pisussanut allattorsimaffiliortoqassasoq.

- Politikerit Paamiunut tikeraartartut ikippallaarput. Aningaasaqarnermut Inuussutissarsiornermullu Ataatsimiititaq Paamiunut tikeraaqgammersimasoq, Sanarfinermut Avatangiisinullu Ataatsimiititaq Paamiunut sapaatip-akunnera 35-mi taamatuttaaq Isumaginninnermut Suliffeqarnermullu Ataatsimiititaq sapaatip-akunnera 36-mi tikeraarumaartut Ataatsimiititaliat siulittaasuata nalunaarutigaa.

- Paamiuni internettimut attaveeqaatit ulluni 15-iniit 20-ni tulliuuttuni ajortussaammata Paamiuniit mailikkut internettikkullu malinnaaniarneq ajornakusoortorujussuussaaq. Nalunaarutinik assigisaanilluunniit e-mailikkut apuussivigineqarani mobiliminut sinerfigineqarnermigut apuussivigineqartarnissani kissaatigaa

IMMIKKOORTOQ 7: Suliaq matoqqasoq

IMMIKKOORTOQ 8: Imaqarniliap akuerineqarnera

Beslutning

Imaqarniliaq akuerineqarpoq nal. 14:20